



天欲光矣

天欲光矣(--ah)
勾(kiu)佇棉被哭袂出聲
規暝恰目屎做伴
澹去的枕頭
紅紅的目箍
艱苦的心
恬恬無出聲
天欲光矣
啥人通(thang)安慰我

天欲光矣
關佇房間搥心肝
規暝恰燒酒做伴
破碎的酒斫仔
黃黃的批紙
離開的愛
恬恬無出聲
天欲光矣
啥人通安慰我

天欲光矣
坐佇海岸看風湧

規暝恰天星做伴
拍亂的頭髮
冷冷的手
留戀的情
恬恬無出聲
天欲光矣
啥人通安慰我

天閣欲光矣
提你薰味的衫
規暝做伴
當初的咒詛(tsóo)
這馬敢喝會出聲
抑是無你較快活

四點三十分
天閣欲光矣
多情煞無情的城市
規暝恬恬無聲
我
有啥人通倚岸

創作理念

天欲光的時陣，予人有真濟期待的心情，我想欲表達天欲光是一種予人會當袂ki痛苦恰悲傷，予人會寄望天欲光是希望的開始，經過規暝黑暗的折磨，予人閣較珍惜天光的時陣。

莊玉嫻

中山醫學大學台灣語文學系

